

# PUNTO DI LANSA

## PARTIDO DEMOKRAT



### 1 Gobernashon? Transparente, Eficiente i Konfiabel!

Demokrat ta para pa Bon Gobernashon! Nos Gobièrnu mester funshoná konforme regla i prosedura transparente, kaminda tur hende sa kon nan por risibi un servisio òf derecho ku nan tin serka Gobièrnu. Petishon nan mester wordu trata konforme regla, lihé i eficiente.

#### Kon?

- Stipulá termino definitivo dentro kuantu tempu un siudadano ta risibi kontesta riba su petishon pa servisio hasi na seis siman;
- Introdusí automatishon den petishon pa servisio di Gobièrnu ku ta hasi posibel pa siudadano por hasi su petishon digital den su propio kas;
- Instalá tres sentro di servisio, unu na Antriol, unu na Rincon i otro na Playa, kaminda un siudadano por risibi tur servisio di Gobièrnu ku nan mester. Di pasport, petishon pa pèrmit, tereno ets, pa tur nan por akudi na un sitio pa hasi petishon i risibi nan servisio;

### 2 Forsa di Kompra? Baha gastu mensual di Pueblo!

Tur hende mester tin sufisiente entrada pa por proveni pa nan mes, nan famia i sernan kerí. Pa e motibu ei Demokrat ta para pa un Forsa di Kompra mas fuerte ku ta brinda e oportunitat pa tur hende por biba na un manera humano.

#### Kon?

- Baha gastu di bibienda dor di inisiá mas proyekto pa traha kasnan pagabel ku no por ta mas di 30% di salario di e siudadano;
- Baha gastu di transporte dor di implementá transporte públiko supsidia ku ta kore un ruta i skema di orario definí, na un preis pagabel;
- Baha gastu di komestibel dor di konstrui nos propio haf di karga pa baha gastu di importashon pa Boneiru;
- Baha gastu di Energia dor di obligá WEB di operá mas eficiente i apliká e supsidio otorgá pa e gruponan ku tin mas nesidad di dje;
- Baha gastu di Akohida di Mucha dor di implementá supsidio pa tur mucha di e edad di 0 pa 4 aña;

## "NAN TA PAPIA, DEMOKRAT TA HASI!"

### 3 Deporte? Aksesibel, Transparente i Duradero!

Deporte i rekreashon ta instrumental pa desaroyo di un pueblo. E ta stimulá disiplina pero alabes siña un persona pa manehá eksito pero tambe derota. E ta yuda forma karakter. P esei Demokrat ta para pa inberti den nos deporte i rekreashon, stimulá deporte na un manera struktural i transparente, pa nos atleta por alkansá tóp deportivo na Boneiru, regional i internashonal

#### Kon?

- Stipulá un maneho deportivo ku ta inkorporá deporte den kurikulo di skol, ku transporte pa sitio di deporte, pa asina brinda e oportunitat pa tur hóben por práktika e deporte di nan preferensia;
- Hasi instituto di Deporte independiente ku e tarea pa den koperashon ku Asosashon di Deportista ehekutá maneho di deporte;
- Pone fondonan atkeri por medio di Fundashon Wegá di Number Boneiru na disposishon di Instituto di Deporte pa por ehekutá e maneho deportivo;
- Instalá un programa di 'Top Sport' ku ta kubri e.o. kostonan enbolbi ku treinen, partisipashon, logistika di e atleta, si nan tin potensial pa alkansá rango superior di nan deporte internashonalmente;

## 4 Turismo? Kalidat vs Kantidat!

Demokrat ta yama tur turista bonbini, pero e benefisio i entrada di nos pilar ekonómiko mas grandi mester yega den saku di nos pueblo. Nos kier pa kada bishitante gasta mas riba nos isla i kontribuí mas den nos ekonomia lokal. Asina nos por krea mas entrada ku por sóru pa mas kupo di trabou ku ta mihó paga. Nos kier mas kalidat den turismo na lugá di kantidat di turista.

### Kon?

- Inisiá proyekto di mikro turismo kaminda siudadano mes ta krea lugá di estableimentu kultural chikitu na kual nan por risibi turista na un tarifa duradero. Manera por ehèmpel den Kunuku of na Playa Frans, kaminda e turista por eksperimenta Boneiru, pa su kultura i su esensia. Tin masha hopi isla i pais ku turista por bishita pa laman, solo i playa, pero tin solamente un Boneiru!
- Establesé un tasa duradero ku ta wòrdu finansiá pa e propio turista. E fondo lo finansiá nos maneho di turismo ehersé pa TCB, nos maneho di naturalesa ehersé pa STINAPA i alabes un Fondo Duradero ku lo inberti bek den nos merkado, den formashon di nos pueblo, turismo i naturalesa pa den e forma aki halsa kalidat di nos produkto pa kual lo por kobra mas.

**"BO KIER KAMBIO, KUMINSA KU NOS MES!"**

## LISTA DEMOKRAT



**1** CLARK ABRAHAM



**2** ROLANDA HELLBURG-MAKARI



**3** DANY CRESTIAN



**4** SALMA SERBERIE



**5** BENITO DIRKS



**6** KIA SERBERIE



**7** ELY JANGA



**8** BUCHI JAGO



**9** CAROLINE CICILIA



**10** TOBIAS DE BOER



**11** ALSI ANTHONY



**12** JACKIE BERNABELA



**13** CHINTO CARLO



**14** KABUYA JANGA



**15** NOEL JANGA



**16** RISHI BERNABELA



**17** TITA REINPAAL



**18** JOANNE GOOPIE



**19** BERNARD ANDWIFER



**20** PAPUCHO JALLERO



**21** TED JINA



**22** ERIC PAULLING



**23** MICHAEL PIETERS



**LISTA #2**

[WWW.VOTADEMOKRAT.ORG](http://WWW.VOTADEMOKRAT.ORG)